

OMBI LA MAPENDEKEZO YA MRADI

Grand Challenges Canada / Grands Défis Canada

MaRS Centre, West Tower, 661 University Avenue, Suite 1720, Toronto, Ontario, Canada M5G 1M1

Simu 416.583.5821 F 416.978.6826 Barua pepe info@optionsinitiative.org

grandchallenges.ca



Grand Challenges Canada®
Grands Défis Canada

BOLD IDEAS WITH BIG IMPACT®

Mradi wa OPTions Ombi la Mapendekezo ya mradi

Mradi wa Uvumbuzi wa Chaguzi za Utoaji Mimba (OPTions), Hatua ya 1
Novemba, 2018

KUMBUKA: Maombi yatapokelewa kwa Kiingereza na Kifaransa TU

TATIZO

Zaidi ya utoaji wa mimba milioni 25 usio salama hutolewa duniani kila mwaka, ambapo asilimia 97 hufanyika katika nchi zinazoendelea. Matokeo yake, takribani wanawake na wasichana milioni 7 wanapokewa kwenye vituo vya afya wakiwa na matatizo makubwa huku wanawake na wasichana 22,800 mpaka 31,000 wakifa kwa mwaka, jambo linalofanya utoaji wa mimba usio salama kuwa moja ya vyanzo vinavyoongoza vya vifo vya uzazi. Hata mahali ambapo utoaji wa mimba unaruhusiwa na kupatikana, ufikivu wa huduma mara nyingi ni mdogo kutokana na vikwazo mbalimbali, na mara nyingi kuna hiari ndogo kuhusiana na njia za utoaji mimba. **Ufikivu wa njia salama ya mimba ni jambo la msingi kwa usawa wa kijinsia na uwezeshwaji wa wanawake na wasichana.**

MRADI WA OPTIONS

Lengo kuu la Mradi wa OPTions ni kuokoa na kuboresha maisha ya wanawake na wasichana kwa njia ya kuboresha ufikivu wa njia salama na halali za utoaji wa mimba.

Lengo la **Ombi hili la Mapendekezo ya Mradi (RFP)** ni kuunga mkono **Mawazo ya Kijasiri yenye Matokeo Chanya**® kwa ajili ya ufikivu wa njia salama za utoaji mimba kwa wanawake na wasichana wa nchi za kipato na chini na cha kati. Tunatafuta mbinu za kivumbuzi na kimageuzi zinazowaweka wanawake na wasichana katika nafasi ya kuamua ni wapi, lini na kwa namna gani wanatoa mimba zao. Hivyo basi, lengo la wito huu ni kuunga mkono uandaji na ufanyaji majaribio wa: 1) **Mbinu mpya za kuongeza ufikivu wa haraka kwa bidhaa na huduma zilizopo za utoaji wa mimba**, na 2) **njia mpya¹ za utoaji mimba.**

MAENEO YA KUZINGATIA

Grand Challenges Canada inatafuta mawazo ya kijasiri yaliyobuniwa ili kutekelezwa katika nchi za kipato kidogo na cha kati na yanayolenga **ufikivu wa njia salama za utoaji wa mimba.** Mawazo haya ya kijasiri yanaweza kubuniwa na mashirika yasiyo ya kupata faida na mashirika ya kupata faida, pamoja na taasisi nyingine zinazotambulika. Mashirika ya kijamii na mashirika ya kutetea haki za wanawake ndiyo hasa yanayohimizwa kutuma maombi.

Vumbuzi zinazopendekezwa zinapaswa kuwa **za kijasiri, za kibunifu, kimageuzi na 'za tofauti'**, na zinapaswa kuwa na uwezekano wa kuboresha ufikivu wa njia salama za utoaji mimba. Vumbuzi hizo zinategemewa kuboresha ufikivu wa njia salama za utoaji mimba kupitia ima:

¹ Njia mpya ni njia zozote mbali na njia zilizopo na salama za utoaji mimba: utoaji mimba kwa kufyonza (MVA) na utoaji mimba kitabibu (MA).

1. **Kuongeteza ufikivu wa haraka wa utoaji wa mimba kwa kufyonza (MVA)² na utoaji wa mimba kitabibu (MA)³.** Hii inajumuisha lakini haiishii katika mambo yafuatayo:
 - a. Kuongeteza idadi ya watoa huduma wenye mafunzo na huduma salama zilizopo
 - b. Kuboresha ufiko wa taarifa zitakazomsaidia msichana au mwanamke kutoa ujauzito kwa njia salama
 - c. Kubadilisha mtazamo na kufanya kuwa kawaidisha suala la utoaji mimba ili kupambana na unyanyapaa
 - d. Kueneza na kutobagua utabibu wa huduma ya utoaji mimba
 - e. Kupunguza vikwazo vya kiuchumi vya ufikiaji wa njia salama za utoaji mimba

2. **Kutambulisha njia mpya na salama ya utoaji mimba** itakayofanya maboresho muhimu ya aina moja au zaidi katika njia zilizopo, ikiwemo:
 - a. Inaweza kutumika kwa mafaniko wakati wa ujauzito
 - b. Ufanisi katika utaoji wa mimba
 - c. Uwezo wa wanawake na wasichana kuifikia na kuitumia kwa uhuru na ufaragha mkubwa
 - d. Urahisi wa utumizi mzuri wa dawa (k.m. matumizi ya kidonge kimoja)
 - e. Kupunguza athari za dawa na maumivu
 - f. Uthabiti wa dawa
 - g. Ukubalikaji katika mifumo iliyopo ya udhibiti (k.m., ina viashiria vingine vya msingi)
 - h. Unafuu

Tafadhali zingatia kwamba huu ni muhtasari wa bidhaa lengwa kwa ajili ya njia mpya na salama ya utoaji mimba. Mapendekezo ya hatua za utabibu wa awali pamoja na hatua za utabibu yote ni halali, na malengo ya mradi kwa kipindi cha ruzuku cha miezi 18 mpaka 24 yataandaliwa ili yafae ipasavyo.

UFADHILI ULIOPO

Miradi itakayofanikiwa itapewa ruzuku ya mitaji hadi kufikia Dola za Canada \$250,000 kwa kipindi cha miezi 18 mpaka 24 ili kuandaa na kufanya majaribio ya uvumbuzi uliopendekezwa. Iwapo idadi ya kutosha ya mapendekezo yenye ubora itapokelewa, takribani misaada ya mitaji 20 itatolewa katika hatua hii.

² Utoaji Mimba kwa Kufyonza (MVA) ni njia ya upasuaji ya utoaji mimba inayoondoa tishu ya mimba katika mfuko wa uzazi.

³ Utoaji wa mimba Kitabibu (MA) unatumia vidonge vya Mifepristone na Misoprostol ili kusababisha mimba kutoka.

VIGEZO VYA SIFA

Tafadhali pitia Vigezo vya Kufuzu katika Ombi kamili la Mapendekezo ya Miradi. Waombaji wenye sifa wanajumuisha mashirika ya kijamii na taasisi nyingine zinazotambulika zilizoanzishwa na kusajiliwa kisheria, ambazo zinaweza kutekeleza kwa mafanikio shughuli husika kwenye eneo lao husika la kiufundi, na ambazo zinaweza kupokea na kusimamia fedha za msaada. Wafanyabiashara binafsi hawana sifa ya kupata ufadhili. Ofisi mkazi za Umoja wa Mataifa hazina sifa ya kutuma maombi.

MAELEKEZO YA MAOMBI

Maombi yatapokelewa kwa Kiingereza na Kifaransa TU, na Ombi kamili la Mapendekezo ya Mradi linapatikana kwa [Kiingereza](#) na [Kifaransa tu](#). Tafadhali pitia Ombi kamili la Mapendekezo ya Mradi kabla ya kutuma maombi ili kuhakikisha unakidhi vigezo vya kufuzu.

MUDA WA MWISHO WA MAOMBI: Februari 12, 2019, saa 3:00 P.M. ET

Kutokana na muda wa uchakataji, tunapandekaza kusajili akaunti kwenye Fluxx Portal si zaidi ya Februari 5, 2019.

Ili kuomba ufadhili wa fedha, waombaji WANAPASWA kutumia fomu ya maombi ya mtandaoni, inayopatikana kupitia Fluxx Portal ya Grand Challenges Canada (gcc.fluxx.io) kwa Kiingereza na Kifaransa TU.